

آبونه شرائطی : هر يک ايچون
سنه لکي (۴۰۰) آلتی ايپلي
(۲۲۵) ؛ ممالك اجنيه ايچون
سنه لکي (۴۵۰) ، آلتی آيپلي
(۲۵۰) غروشدور .

نسخه سي ۷,۵ غروشدور .
سنه لکي ۵۲ عددور .

اداره خانه : باب عالی جاده سنده
رشيد افندی خانه

اخطارات
آبونه بدلی پشیندر .

مسلكه موافق آثار مع المنونيه
قبول اولنور . درج ايدله ن
يازير اطاده اولتماز .

والله يهدي من يشاء الى صراط مستقيم

باش محرر
محمد عاكف

صاحب و مدر
اشرف اديب

اتبعون اهدكم سبيل الرشاد

البريد

آبونه : تيرينده آيپلي
غروش كوندرمليدر .

مكتوبلرك امضالري واضح
واوقوناقلي اولسي وآبونه
صره نومروستني محتوي
بولونسي لازمدر

ممالك اجنيه ايچون آبونه
اولانرك آدرسليرك
فرانسزجه يازلسي رجا اولنور .

پاره كوندردليكي زمان نديه
داثر اولديغي ييلديرلي
رجا اولنور

اعتراف ایدیورده بو خیرلی تشبثی منع ایدن معارف وکالتی معذور
کوسترمه یه قالدیشیور !

ذاتاً مدارس اسلامیہ نیک سد والغاسی ده کری قالدقاری ویا اسکی
طرزده تدریسانده بولونقلری ایچون دکلدی . بالعکس ، ترقی ایتدکاری
وکوندن کونده ده تعالی ایلکنده اولدقلری اونلرک الغاسنی موجب
اولمشدی . ملغی شرعیہ وکالتی تدریسات مدیریتده ، مدارس اسلامیہ نیک
هر طرفده بویوک برترقی کوسترمکده اولدیغنه ، طلبه علومک کرک تحصیل ،
کرک تربیه اعتباریله مکتبلر ایچون بیله نمونه امثال وله جق درجه ده تعالی
ایلدیکنه ، خلقلک مدرسه لره قارشى رغبتی کوندن کونه تزايدا یتیمکده اولدیغنه
دائرک بویوک ملکیه مأمورلری طرفندن کوندربان رسمی تحریراتلردن
مرکب دوسیله لره اگر امحا ایدیلدیسه - آلآن موجوددر . اوزمانک
تدریسات مدیرعمومیسی بو کون آنقرده در . شهنسی اولانلر حقیقت
حالی مدیر عمومیدن اوکره نه بیلیرلر .

حتی اوصیره لرده آنقرده معارف وکالتنده انقادی ایدن بر مجلس
علمیده شیمدیکی دارالفنون امینی اسماعیل حتی بک بویوک بر تلاش
واندیشه ایله شوصورتله باغیرمشدی :

« ارقداشلر ! خوجلر حکمت وکیمیای محرابلره قدر صوقدیلر ، اگر بر
مدرسه لرک بکونکی سیر نکاملنه بش سنه دها مساعد و مساحه کار داورانیرسه ق
بوتون لیسه ل مدرسه یه انقلاب ایده جکدر . »

« توحید تدریسات » قانونک فرداسی کونی ده عن اصل روسیه لی
بر مبعوث منور علمادن بر ذاته :

— مدرسه نیک سرعتله ترقیسی قارشوسنده محتمل برتهلککک اوکنی آلتق
ایچون حیاتلرینه خاتمه ویردک .

دیمش اولدیغنی بالذات بوسوزده مخاطب اولان بزه حکایه ایتشدی .
ایشته شیمدی اوتدن بری مدرسه لرک و علمانک علمنده بولونمیه بر
شعار مخصوص ایدینن فالخ رفقی بکده بولی مفتیسنک اوچ سنه ظرفنده
یدی سکزیبیک کویلوچوجغنه او قویوب یازمق اوکره ته جک صورتده کی
تشبثات عرفانپورانه سنی اعترافه مجبور اولیور . عجبا « مادام که معارف
مکتبلری کری قالمشدر ، او حالده ترقی ایدن مدرسه لری ده سد والفا
ایتمک لازمدر » کبی عرفان خصم لرینه یاقیشیر بر تعصب ایله غیر قانونی
صورتده مدرسه لری قاپان معارف وکالتی اوچ سنه ظرفنده کویلو
چوجقلرینک یدی ، سکزی بیکنه دکل ، یدی ، سکزی یوزینه او قویوب
پازمه اوکره نه بیلیرمی ؟ خلقلک عشق عرفانه قارشى هر طرفده عرفان
مرکز لرینک قیدسزلغنی ایسه ینه کنیدی لری اعتراف ایدیورلر .

بو کون خلقلک شدتله محتاج اولدیغنی مؤسسات دینه مسدود
ایسه لی نه یاه خلق بو حقوق طبعیه سندن محروم ایدیلر جک دیمک دکلددر .
الته بر کون اومقامه ، کنیدی سنی خلقلک احتیاجات دینه سنی تأمین ایله مکلف
بر معارف وکیلی کله جک ، ملکک احوال روحیه واجتماعیه سنه تمامیه آیقیری
اولان بو یولسزلقلری ازاله ایده جکدر . ملت هر شیکک اوستنده در .

معارف وکیلکک نیاترو جیلغی حمایه سی

آنقرده تورک اوجاغنده مبعوثلر ، وکیللر ، محررلر ، معلملر بر اجتماع
عقد ایدرک نیاترو جیلغک حمایه سی حقنده بر جمعیت تأسیس قارارلاشد بر مشلر .
اجتماعنده بولونان معارف وکیلی بوجمیت نظامنامه سنی تثبیت ایدم جک هیئت میانده
داخل اولمش . مکتبسزلک ، معلمسزلک ، اداره سزلک یوزندن ملککک
هر طرفنده بر معارف بحرانى بولوندیغنی صیره ده معارف وکیلکک نیاترو جیلغی جمعیتی
تأسیسنه قالدیشیسی قدر تحف برشی اوله ماز .

نیاترو جیلغی آیری برایش ، بر صنعتدرکه اونکده اهلی ، منتسبلری واردر .
هر حالده بر معارف وکیلکک بکلنن شی ، نیاترو جیلغی جمعیتی تأسیس دکلددر . معارف
وکیلی ملکککک هر طرفنده یوزلجه مؤسسات دینه یی غیر قانونی ارلر ق سد
ایتدکدن صوکره شیمدی ده نیاترو جیلغی حمایه ایچون جمعیت تشکیل ایدنلر میانده
داخل اولیور . اون آلتی بیک طلبه نیک علوم دینه تحصیل ایتدیکی اوچ ،
درت یوز مدرسه یی سد ایتدیکی زمانی حیاتکک اک ذوقلی کونی عد ایتدیکی
سویله یی بر معارف وکیلکک نیاترو جیلغی حمایه ایتسی او قدر غریب کورولز .
اصل غرات ، تشکیلات اساسیه قانونکک تا باشنده دینی دین اسلام اولدیغنی
واحکام شرعیه نیک اجرا وتنغیدینی دره ده ایاش بولوندیغنی محرر اولان بر دولتک
بویله بر معارف وکیلی بولونماسیدر .

* *

« محامشات » و « ریالارلر » می بایلیور مسه ؟

بولی مبعوثی فالخ رفقی بکک « بر نمایشه داتر » سرلوحه سیله جمهوریت
غزته سنده شویله بر فقره سی کورولدی :

« بوییل انقلاب مبعوثلری ، صدر اسلامده اولدیغنی اوزره ، بر جامع
شریفک عادتاً حرم آلولوسنده مشاوره ایتمکده درلر . آلتی آی اول مجلسک
یاننده آیری بر بناده بولونان جامع شریف ، شیمدی مذاکره صالونکک تام
قارشیسندن در ، قابلی قوریدورده اذان او قویان مؤذن افندیکن سسی بوتون
بنای اولیله قایلایورکه صالونده صرملر اوستنده اوطوران منتظم مبعوث صف لرینه ،
قعدۀ اولی ده بر جاعت منظره سنی کلپور .

ریاست کرسیسنکک باش اوجنده کی « وامرهم شوری بینهم » لوحه سی ،
کچن سنه کی یازینکک ایکی اوچ مثلی بویوکلکندن در . وقویو سیاه اوستنده قالین
بیاضله رسم ایدلمشدر .

جامعمن واردی ، بلکه اوایکی مجلسکک دها کوستریشیز بر اوطه سننده
آلته بیلیر ، مصلیلر ساعتلرینه باقوب نماز وقتنی اوکره نه بیلیردی . انسان کنندی
کندینه صوریور : کیمه بومامشات ، نیچون بوریا کارلق ؟

شبهه سز چنبیلی مجلسده کی بونمایش سبیلله نه وطن تهلکده در ، نه ده
انقلاب ضعفه اوغرامشدر ، مسئله شودر ، که بونوع غرابتلر بزی کولونج
کوسترمه بیلیر . بویله نمایشلره شاهد اولانلر ، ماشاه تورکلر نه متقی آدم لرمش ،
دیمزلر ، تورکیا تجدد پرورلرینده ، عثمانلی مشروطیت پرورلری کی ، تعصبنازقله
اتهام ایدرلر . خلقدن وحقیقتدن کیزله جک هیچ بر قصورمن یوقدر ، اولدیغمز کی
کورونه لم ، کنندی قویدیفمن علوی اساسلری ، بولتیقه چامورینه صوقوب
یومشاتمقندن وبوکولمکدن وقایه ایدم لم . »

بولی مبعوثی ، ملت مجلسندن مؤذنک اذان او قومسنی ، ریاست
کرسیسنکک باش اوجنده (وامرهم شوری بینهم) آیت کریمه سنکک معالق
بولونمسنی بر نمایش عد ایدیور و کنندی کندیینه صوریور : « کیمه
بومامشات ، نیچون بوریا کارلق ؟ »

مکتبلیزده یکی باشلایور، قائدهلی برحبات رهبری دکل، کنج روحلری قیزهین بر ابتلا ایچنده یاقان بر احتراض، کور و قورقونج بر احتراض اولویور ! کتابلر بر طرفه بر اقلمش، دوشونمک ایچون تمرین یاقان قافا یرینه وورمق ایچون قوتله ن بالدرلر قائم اولمش، معلملر سوبله یورلر، طلبه او یوقلیور، اسنه یور وبلکه ده، آزارنده بعضلری مثلا اورغوابلی بر فوت بول قهرمانک اسمنی و مناقبنی از برله مکله، بر دیکری ده ایلاک ماچنده طوبایله جنی آلقیشلرک خولایسپله مست اولویور !

ایشته، مکتبلیزک حال حاضری بویله در. بونی بزه اک تجربه لی مدققلر و معلملر خبر و یرییورلر. اسقولاستیک تعلیمدن بیله اوزاقلاشمش بر فوت بولجی نسل یتشد یرییورلر. بونسل، یکریمی بشندن صوکره تقاعده محکومدر. بز کنجلیکی اورایه دوغرو کوتورو یورلر. »

جمهوریت غزته سنک کنجلیکی و مکتبلیز استیلا ایدن بوتله لکی موضوع بحث ایدرک علاقه دارانک نظر دقتنی جلب ایتسی شایان شکراندر. حقیقه صوک زمانلرده تحصیل بر طرف ایدیلرک ایش بوسبتون او یونجیلغه دوکولدی. معارف وکیل حاضری یتش کسور بیک لیرا او یونجیلغه تخصیص ایتدی. اورویا به بر هیئت کوندرلدی، اونلر کوزل کوزل کزدیلر، تنزه ایتدیلر، بیکلرجه لیرالر صرف ایتدیلر. شیمدی ده دیکر بر هیئت بولشویک دیارینه، موسقوه به کوندریلور.

انقره ده کی مدهش و مستولی ایصیتنه نک مولدی اولاد بطاقلنک قورودولسی ایچون بیک لیرا قدر بر پاره صرفی ایجاب ایتدیکی حالده بونک اهامال ایدیلرک او یونجیلغه یتش بیک لیرا تخصیصی اقشام غزته سی پک غریب بولیور. عجبا غزباتی موجب اولان یالکز بومیدر؟ عجبا معارف وکیل حاضرینک هان بوتون اجرا آتی غزباتلرله مالی دکلیدر؟ اوقاف بودجه سندن طلبه علومک اعاشه سی ایچون یوز قرق بیک لیرا تخصیص اولوندینی حالده طلبه نک اعاشه سی کسدی، او یونجیلره بیکلرجه لیرالر ویردی. یالکز مدرسه لری دکل، مکتبلیز ده آلت اوست ایتدی. باقالم، تحت حمایه سنه آلدینی تیاتر و جیاق ایچون ده نه قدر تخصیصات اعطا بویوره جملر در !

جمهوریت غزته سی نافله یرینه فریاد ایدیور، معارف وکیل حاضری او مقامی اشغال ایتدیکجه کنجلیکی و مکتبلیز استیلا ایدن تهله لکنک اوکنه کجه نک امکانی یوقدر، مقدر اولان عاقبتی هیچ برشی توقیف ایدمه جکدر.

بزم نظمیلر یورطی کوندرینی ده یکریمی !

اقدام صاحبی احمد جودت بک یازیور :-

« البته بزم کبی هرکس ده دقت ایدیور که بش اون کونده بر، بر یوم مخصوص تقریر ایدلک ایسته نیور و او کونده هریر تمطیل اولونیور. ایلولک یکریمسندن تشرین اولک یکریمی بشنه قدر مکتبلیز اون کون یوم مخصوصلر دولایسپله تمطیل اولونمشدر ! قتلکارک دینی یوم مخصوصلرینک کثرت طالب

حال بوکه بوراده نه کیمسه به عماشات وارد، نه ده ریاکارلق. باشند باشه مسلمان اولان بر ملتک، ینه باشند باشه مسلمان اولان مجلسنده اذان او قونمسی، ریاست کرسی سنک باش اوچنده مشورتی بیان ایدن بر آیت کریمه نک بولونمسی قدر طیبی برشی اوله ماز. بر مجلس که احکام شرعیه نک تنفیذنی ملته قارشی تعهد ایتمشدر و تشکیل ایدیلن دوائک دینی دین اسلام اولدیغنی تایلک ماده سنده تصریح ایتمشدر؛ حریت و ده موقراسینک روحی اولان بر آیت کریمه بی ریاست کرسی سنک باش اوچنه آمارسه قباحتمی ایتش اولور؛ دیار کفرده بلکه مسلمانلر ساعتلرینه باقهرق نماز وقتی اوکره نه بیلرلر؛ فقط مسلمان مملکتلرینده نماز وقتی کانجه هر طرفه مؤذنلر یوکسک سسلرله توحید الهی بی سماره یوکسلر و مؤمنلری صلات و فلاح، چاغیرلر. مؤمنلرک شعاری مشورت اولدیغنی کوسترن بر آیت کریمه ایسه نه قدر بویوک یازی ایله یازیلرسه او قدر اصابت ایدیلش اولور. فطره ظلوم و جهول اولان انسانلر استبداده صایق میللرینی کوستردیکجه مشورتله مأمور اولدقلرینی تخطر ایدرک حق یولندن آیریلاملری ایچون بر آیت کریمه بی هر دقیقه قارشیلرنده کورمه به چوق احتیاجلری وارد.

بولی مبعوث محترمی امین اولسونلر که کندیلرینی کولونج کوسترمه به باعث اولان، ملت مجلسنده نه اذان محمدینک او قونمسیدر، نه ده حریت و ده موقراسینک روحی اولان بر آیت کریمه نک ریاست کرسی سنک باش اوچنه آصیلر سیدر. اصل باعث، ملتک وجدان اجتماعیه سنه قارشی ارتکاب ایدیلن آقیری حرکتلر، آقیری دوشونجه لر، آقیری سوزلردر. ان شاء الله بوبرک ملت مجلسمنز الی یوم القیام اذان سسلرله برلکده یاشایه جق و یالکز ریاست کرسی سنک باش اوچی دکل، هر طرفی، آیات جلیله قرآنیله ترین ایدیلش اوله جقدر.

کنجلیکی و مکتبلیز استیلا ایدمه تهله لکه

جمهوریت غزته سی یازیور :

« بر آرز دقتلیجه باقیدینی، اطرافزده اولان شیلر تدقیق ایدلکی زمان تورک کنجلیکنک غایت مهم بر تهله لکه قارشیننده بولونلینی کوروله مک قابل دکلد. شیمدی آرتق شدتلی بر صالغین حالنده بوتون کنج روحلری و بالخاصه مکتبلی کنجلیکی استیلا ایدن بر خسته لقدن بحث ایتک زمانی کلشدر و بو خسته لاق اسپور خسته لغیدر. خسته سی اوینلور، صاغلامی اوینلور؛ صرف ایتدیکی قوت قدر قالوری آلابیلنی اوینلور، آلامیانی اوینلور. اوین، اوین، اوین ! کنجلیکک دوشوندیکی باشقه برشی یوقدر: یالکز اوینامق ! بوکون کنجلیکک هر شی* سپور اولمشدر. دوشونجه سی، حسی، سوکسی، ایشی، اخلاق، ایدمه آلی، هر شی* سپور؛ بر کنج ایچون اک بیوک قهرمانلق بر فوت بول ماچنده خصمنه کوزل بر غول یایمق، صوکره بویله کوزل غولجی یاخود معروف بر قلعه جی صفتیله غزته لک ایلاک صحیفه سنده کندیسنی فوطوغرافله تثبیت ایدیلش کورمک ! ظن ایدرسکزر که اسکی یونانلیلرک قهرمانلق دوری بزم